

ხელშეკრულება
სახელმწიფო შესყიდვების შესახებ № 315/2018

ქ. თბილისი

“13“ ივლისი 2018 წელი

ერთის მხრივ, სსიპ სურსათის ეროვნული სააგენტო (შემდგომში “შემსყიდველი”) წარმოდგენილი სააგენტოს უფროსის მოვალეობის შემსრულებლის, გიორგი იაკობაშვილის სახით და მეორეს მხრივ შ.პ.ს. “სოკარ ჯორჯია პეტროლეუმი“ (შემდგომში “მიმწოდებელი”) წარმოდგენილი შპს „სოკარ ჯორჯია პეტროლეუმი“-ს მინდობილი პირის დავით თეთვაძის (პ/ნ 01025006491, თანახმად 02.02.2018 წლის მინდობილობისა (ინდ.#17000229921718, რეგ.#180105707) სახით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტის შესაბამისად, სახელმწიფო შესყიდვების სააგენტოს ნებართვების #15173 და #15174 საფუძველზე, დებენ გადაუდებელი შესყიდვის საშუალებით, სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 “ხელშეკრულება სახელმწიფო შესყიდვების შესახებ” (შემდგომში - “ხელშეკრულება”) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია სამი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ორი - შემსყიდველს.
- 1.2 “ხელშეკრულების ღირებულება” - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3 “დღე”, “კვირა”, “თვე” - კალენდარული დღე, კვირა, თვე.
- 1.4 “შემსყიდველი” - ორგანიზაცია რომელიც ახორციელებს შესყიდვას.
- 1.5 “მიმწოდებელი” - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 “საქონელი” - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ხელშეკრულების საგანია მითითებული დასახელებისა და რაოდენობის საწვავის შესყიდვა:
 - 120 (ას ოცი) ლიტრი **ბენზინი ნანო პრემიუმი (CPV 09132000)** - საბარათე სისტემით.
 - 100 (ასი) ლიტრი **ნანო ევრო დიზელი (CPV 09134200)** - საბარათე სისტემით.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს **462** (ოთხას სამოცდაორი) ლარსა და **44** თეთრს.
- 3.2. შესასყიდი საწვავის ერთეულის ფასები, საწვავის სახეების მიხედვით, მოცემულია წინამდებარე ხელშეკრულების დანართი №1-ში.
- 3.3. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, გარდა დ.დ.გ.-ს აგრეთვე საწვავის მიწოდებასთან დაკავშირებულ ყველა თანმდევ ხარჯს, მათ შორის საწვავის შენახვის ხარჯებს ავტოგასამართი სადგურებიდან მის გაცემამდე.
- 3.4 ხელშეკრულება ფინანსდება თავდაცვის საფრთხის შემცირების სააგენტოს (DTRA) ფინანსური მხარდაჭერით მიმდინარე პროექტის - კანის ფიზიკური დაზიანებებით მიმდინარე ზოონოზური ინფექციების შემთხვევების გამოვლენისა და დიაგნოსტიკების შესაძლებლობების გაძლიერება საქართველოში“ - ფარგლებში.

4 ანგარიშწორების ფორმა და ვადები

- 4.1 მიმწოდებელთან ანგარიშწორება განხორციელდება უნაღდო ანგარიშწორების ფორმით, ეროვნულ ვალუტაში.
- 4.2 მიმწოდებელთან ანგარიშწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ ხელმოწერილი მიღება-ჩაბარების აქტისა და სპეციალური საგადასახადო ანგარიშ-ფაქტურის საფუძველზე.
- 4.3 მიმწოდებელთან ანგარიშწორება განხორციელდება:
 - ტალონური სისტემით შესყიდულ საწვავზე - შემსყიდველის მიერ საწვავის ტალონების მიღება-ჩაბარების აქტზე ხელმოწერიდან 1 (ერთი) კალენდარული დღის ვადაში;

- საბარათე სისტემით შესყიდულ საწვავზე - მიწოდების მიერ შესაბამისი საგადასახადო ანგარიშგაქტურის გამოწერიდან არაუგვიანეს 5 (ხუთი) კალენდარული დღისა;

5. საქონლის მიღება-ჩაბარების წესი

5.1 საქონელი ან მისი ნაწილი ჩაითვლება მიწოდებულად:

- ტალონური სისტემით შეძენილი საწვავის შემთხვევაში - კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდგომ;
- საბარათე სისტემით შეძენილი საწვავის შემთხვევაში - შემსყიდველის სპეციალურ ანგარიშზე „საწვავის“ ჩატვირთვისა და შესაბამისი, ელექტრონული ა/ფაქტურის გამოწერის შემდეგ.

5.2 შემსყიდველის მხრიდან მიღება-ჩაბარების აქტზე ხელმოწერ პირები არიან სურსათის ეროვნული სააგენტოს თანამშრომლები: ფრიდონ ალავიძე (პ/ნ 60001089927) და ილია რიკაძე (პ/ნ 01024072796).

6. საქონლის მიწოდების ადგილი და ვადა

6.1 საწვავის მიწოდებას მიმწოდებელი უზრუნველყოფს საბარათე ან ტალონური სისტემით, მიმწოდებლის ავტოგასამართი სადგურების ქსელის მეშვეობით.

6.2 მიმწოდებელი ვალდებულია, შემსყიდველის (როგორც წერილობითი ასევე ზეპირი) მოთხოვნიდან 2 (ორი) დღეში დაამზადოს და მიღება-ჩაბარების აქტის საფუძველზე გადასცეს შემსყიდველს (მის მიერ უფლებამოსილ პირს) მოთხოვნილი რაოდენობის საწვავის ტალონები (10 ან 20 ლიტრიანი ტალონის ნომინალით) ტალონის გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან უკვე გაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას. ყოველ ტალონზე აღნიშნული უნდა იყოს: მიმწოდებლის ლოგო წარწერით „სოკარი“, ტალონის ნომერი, საწვავის სახეობა, საწვავის რაოდენობა.

6.3 შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებისთანავე. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და საწვავის გაცემა.

6.4 ავტოგასამართ სადგურზე ტალონების წარმოდგენისთანავე შემსყიდველი ან მისი წარმომადგენელი ვალდებულია უზრუნველყოს შესაბამისი ტევადობების ან/და ჭურჭლის წარმოდგენა. ტალონებზე საწვავის გაცემისას ტალონის ნაწილობრივი განადგება ან/და ხურდის დაბრუნება არ დაიშვება.

6.5 მიმწოდებელი უფლებამოსილია დროებით (არაუმეტეს 1,5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ხარისხი.

6.6 საწვავის მიწოდება განხორციელდება 2018 წლის 31 ივლისის ჩათვლით.

7. მხარეთა უფლება-მოვალეობანი

7.1 შემსყიდველს უფლება აქვს:

- 7.1.1. შეამოწმოს მიწოდებული საწვავის შესაბამისობა ხელშეკრულებით გათვალისწინებულ პირობებთან;
- 7.1.2. უარი თქვას უხარისხო საწვავის მიღებაზე.

7.2 შემსყიდველი ვალდებულია:

- 7.2.1. წერილობით აცნობოს მიმწოდებელს საწვავის მიწოდებასთან დაკავშირებული ყველა განსაკუთრებული გარემოების შესახებ;
- 7.2.2. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- 7.2.3. დაიცვას ხელშეკრულების სხვა პირობები.

7.3. მიმწოდებელს უფლება აქვს:

- 7.3.1. მოსთხოვოს შემსყიდველს მიწოდებული საწვავის ღირებულების ანაზღაურება ხელშეკრულებით გათვალისწინებული პირობებით.

7.4. მიმწოდებელი ვალდებულია:

- 7.4.1. გააფრთხილოს შემსყიდველი საწვავის მიწოდების პროცესში შეფერხების შესახებ;
- 7.4.2. დაიცვას ხელშეკრულებით გათვალისწინებული ყველა პირობა.

8. ხელშეკრულებით ნაკისრი ვალდებულებების შესრულების ინსპექტირება

8.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს (კონტროლი) ინსპექტირება, რომლის მიზანია საქონლის შესაბამისობი დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 ხელშეკრულების 8.1 პუნქტით გათვალისწინებულ (კონტროლს) ინსპექტირებას განახორციელებს შემსყიდველის შესაბამისი უფლებამოსილი წარმომადგენელი - ილია რიკაძე.

9. პირგასამტეხლო ხელშეკრულების პირობების შეუსრულებლობისათვის

- 9.1 ხელშეკრულებით ნაკისრი ვალდებულებების არაჯეროვნად მიწოდების შემთხვევაში, მიმწოდებელს დაეკისრება პირგასამტეხლო არაჯეროვნად შესრულებული ვალდებულების 0.02%-ის ოდენობით;
- 9.2 მიმწოდებლის მხრიდან ხელშეკრულების 4.4.1. პუნქტით გათვალისწინებული ვადების დარღვევის შემთხვევაში, მას დაეკისრება პირგასამტეხლო ვადაგადაცილებით მიწოდებული საქონლის ღირებულების 0.02%-ის ოდენობით, ყოველ ვადაგადაცილებულ დღეზე;
- 9.3 იმ შემთხვევაში, თუ ხელშეკრულების 11.1. და 11.2. პუნქტით გათვალისწინებული პირგასამტეხლოს ჯამური თანხა გადააჭარბებს ხელშეკრულების ღირებულების 1 %, შემსყიდველს უფლება აქვს შეწყვიტოს ხელშეკრულება.
- 9.4 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, მას დაეკისრება პირგასამტეხლო ხელშეკრულების საერთო ღირებულების 10%-ის ოდენობის შესაბამისი თანხით.
- 9.5 მიმწოდებელმა პირგასამტეხლოების გადახდა და აღნიშნულის დამადასტურებელი დოკუმენტის შემსყიდველთან წარმოდგენა უნდა უზრუნველყოს წერილობითი შეტყობინებიდან 10 დღის განმავლობაში.
- 9.6 საჯაროო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებებში ცვლილებების შეტანა და ხელშეკრულების შეწყვეტა

10.1 მიმწოდებლის მიერ შემსყიდველისაგან საწვავის ყოველი მიწოდების თაობაზე მოთხოვნის (წერილობითი ან/და ზეპირი) მიღებისას, მხარეები ვალდებული არიან მიმწოდებლის მიერ საწვავის მოთხოვნის მიღების დღისათვის არსებული მონაცემების გამოყენებით მოახდინონ ფასების გადაანგარიშება, ამ მუხლით განსაზღვრული წესით და თუკი ადგილი ექნება 10.1 პუნქტში მითითებული ფასების შეცვლის საფუძველს, შემდგომში წერილობითი შეთანხმებით გააფორმონ ახალი ფასები. თუ ამ საფუძველს არ ექნება ადგილი, ძალაში დარჩება მხარეებს შორის ბოლო შეთანხმებული ფასი. ფასი ძალაში დარჩება გადაანგარიშებიდან 3 (სამი) სამუშაო დღის ვადით. თუკი შემსყიდველი აღნიშნულ ვადაში არ მოახდენს საწვავის შესყიდვას, გადაანგარიშებული ფასები კარგავს ძალას და შემსყიდველი ვალდებული იქნება ხელახლა წარმოუდგინოს მიმწოდებელს საწვავის მოთხოვნის შესახებ განაცხადი.

10.1 ფასის შესაძლო ცვლილების შესახებ მეორე მხარის გაფრთხილება ან რაიმე სახის შეტყობინების გაგზავნა სავალდებულო არ არის.

11. დავები და მათი გადაწყვეტის წესი

- 11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.
- 11.2 შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის მისი ხელმოწერის მომენტიდან და მოქმედებს 2018 წლის 10 სექტემბრის ჩათვლით .

შემსყიდველი

მიმწოდებელი

სურსათის ეროვნული სააგენტო
იურიდიული მისამართი: ქ. თბილისი, მარშალ გელოვანის გამზ. №6
საიდენტიფიკაციო კოდი: 205142200
ბანკი: სახელმწიფო ბანკი
ბანკის კოდი: 220101222
ანგარიშის № 200122900

სააგენტოს უფროსის მ/შ
გიორგი იაკობაშვილი



შპს „სოკარ ჯორჯია პეტროლეუმ“
მის: ქ.თბილისი, ჩოლოყაშვილის №1
საიდენტიფიკაციო კოდი: 202352514
საბანკო რეკვიზიტები: სს „საქართველოს ბანკის“
ცენტრალური ფილიალი
ბანკის კოდი: BAGAGE22
ანგარიშის ნომერი: GE02BG000000233446600
ტელ.: 249 97 57

მინდობილი პირი
დავით თეთრაძე



#	საწვავის დასახელება	რაოდენობა (ლიტრი)	ერთეულის ფასი (ლარი)	საერთო ღირებულება (ლარი)	მიწოდების ტიპი	მიწოდების ვადები
1	ბენზინი ნანო პრემიუმი	120	2.102	252.24	საბარათე სისტემით	13.07.2018-დან 31.07.2018-მდე
2	ნანო ევრო დიზელი	100	2.102	210.20	საბარათე სისტემით	13.07.2018-დან 31.07.2018-მდე
სულ						462.44

შემსყიდველი

მიმწოდებელი

<p>სურსათის ეროვნული სააგენტო იურიდიული მისამართი: ქ. თბილისი, მარშალ გელოვანის გამზ. №6 საიდენტიფიკაციო კოდი: 205142200 ბანკი: სახელმწიფო ხაზინა ბანკის კოდი: 220101222 ანგარიშის №200122900</p> <p>სააგენტოს უფროსის მ/შ გიორგი იაკობაშვილი</p>	<p>შპს „სოკარ ჯორჯია პეტროლეუმი“ მის: ქ.თბილისი, ჩოლოყაშვილის №1 საიდენტიფიკაციო კოდი:202352514 საბანკო რეკვიზიტები: სს „საქართველოს ბანკის“ ცენტრალურიფილიალი ბანკის კოდი:BAGAGE22 ანგარიშის ნომერი: GE02BG0000000233446600 ტელ.: 249 97 57</p> <p>მინდობილი პირი დავით თეთვაძე</p>
---	--

